

四庫全書

史部

欽定四庫全書

舊五代史卷一百十六

宋門下侍郎參知政事監修國史薛居正等撰

周書第七

世宗紀三

顯德三年春正月乙未朔帝不受朝賀前司空蘇禹珪
卒丁酉李穀奏破淮賊于上窰戊戌發兵夫十萬城京
師羅城庚子詔取此月八日幸淮南殿中監馬從贇免

所居官坐乾沒外孫女霍氏之貲產為人所訟故也辛丑以宣徽南院使向訓為權東京留守以端明殿學士王朴為副留守壬寅車駕發京師丁未李穀奏自壽州引軍退守正陽辛亥李重進奏大破淮賊于正陽斬首二萬餘級伏尸三十里臨陣斬賊大將劉彥貞生擒偏將咸師朗已下獲戎甲三十萬事馬五百匹先是李穀駐軍于壽春城下以攻其城既而淮南授軍大至乃與將佐謀曰賊軍舟楫將及正陽我師無水戰之備萬一

橋梁不守則大軍隔絕矣不如全師退守正陽浮橋以
俟鑾輅諸將皆以為然遂燔其糧草而退守正陽際無
復嚴整公私之間頗多亡失淮北役夫亦有陷于賊境
者帝聞之急詔侍衛都指揮使李重進率師赴之時淮
賊乘李穀退軍之勢發戰棹數百艘沿淮而上且張斷
橋之勢彥貞以大軍列陣而進李重進既至正陽聞淮
軍在近率諸將渡橋而進與賊軍遇重進等合勢擊之
一鼓而敗之

馬令南唐書世宗親征行至圍鎮聞穀軍
却意唐兵必追之遣李重進急趨正陽曰

唐兵且至宜急擊之彥貞等聞穀退軍皆以為怯裨將咸師朗曰追之可大獲劉仁瞻使人諭之曰君來赴援未交戰而敵人退不可測也慎勿追遂君為大將安危以之脫有不利大事去矣前軍張全約亦曰不可追彥貞曰軍容在我汝輩何知沮吾事者斬比至正陽而重進先至未及食而戰彥貞施利刃于拒馬又刻木為戰號捷馬牌以皮囊布鐵蒺藜于地周兵見而知其怯一鼓敗之彥貞死于陣殺獲之外降者

三千餘人皆為我將趙晁所殺甲寅車駕至正陽以侍衛都指揮使李重進為淮南道行營都招討使命宰臣李穀判壽州行府事乙卯車駕渡淮丙辰至壽州城下營于州西北淝水之陽詔移正陽浮橋于下蔡庚申耀

兵于城下

春明退朝錄云家有范魯公雜錄記世宗親征忠正駐蹕城下中夜有白虹自淝水起亘

數丈下貫城中數刻方沒

壬戌今上奏破淮賊萬餘衆于渦口斬偽

兵馬都監何延錫等獲戰船五十艘二月丙寅幸下蔡

斬前濟州馬軍都指揮使康儼于路左坐橋道不謹也

朗州節度使王進達奏領兵入淮南界戊辰廬壽巡檢

使司超奏破淮賊三千于盛唐獲都監偽吉州刺史高

弼以獻詔釋之兵部尚書張昭奏準詔撰集兵法分為

十卷凡四十二門目之為制旨兵法上之優詔褒美仍

以器幣賜之壬申今上奏破淮賊萬五千人于清流山

乘勝攻下滁州擒偽命江州節度使充行營應援使皇

甫暉常州團練使充應援都監姚鳳以獻

王鉉默記李暉聞世宗親

至淮上而滁州其控扼且援壽州命大將皇甫暉監軍
姚鳳提兵十萬扼其地太祖以周師數千與暉遇于清
流關隘路周師大敗暉盡全師入憩滁州城下會翊日
再出太祖兵聚關下且虞暉兵再至問諸村人云有鎮
州趙學究在邨中教學多智計邨民有爭訟者多請以
決曲直太祖往訪之學究曰我有奇計所謂因敗為勝
轉禍為福今關下有徑路人無行者雖牌軍亦不知之
乃山之背也可以直抵城下方值西澗水大漲之時彼
必謂我既敗之後無敢躡其後者誠能由山背小路率
兵浮西澗水至城下斬關而入可以得志太祖大喜且

命學究以指其路學究亦不辭而遣人前導即下令誓師夜從小路行三軍跨馬浮西澗以迫城暉果不為備奪門以入暉始聞之率親兵援甲與太祖巷戰三縱而三擒之遂下滁州甲戌江南國主李

景遣泗州牙將王知朗齎書一函至滁州本州以聞書

稱唐皇帝奉書于大周皇帝其畧云願陳兄事永奉鄰

歡設或俯鑒遠圖下交小國悉班卒乘俾又蒼黔慶雞

犬之相聞奉瓊瑤以為好必當歲陳山澤之利少助軍

旅之須度俟報章以答高命道塗朝坦禮幣夕行云書

奏不答乙亥今上繫送所獲江南二將皇甫暉姚鳳至

行在詔釋之壬午江南國主李景遣其臣偽翰林學士

戶部侍郎鍾謨偽工部侍郎文理院學士李德明等奉

表來上叙願依大國稱臣納貢之意仍進金器千兩錦

綺綾羅二千匹及御衣犀帶茶茗藥物等又進犒軍牛

五百頭酒二千石是日賜謨等錦綺綾羅二百匹銀器

一百兩襲衣金帶鞍馬等丙戌侍衛馬軍指揮韓令坤

奏收下揚州

東都事畧韓令坤傳率兵襲揚州將吏開門以迎之令坤整衆而入市不易肆人甚

悅

丁亥壽州城內左神衛軍使徐象等一十八人來奔

庚寅朗州節度使王進達上言領兵入鄂州界攻長山

砦殺賊軍三千餘衆辛卯今上表偽命天長軍制置使

耿謙以本軍降獲糧草二十餘萬侍衛馬軍都指揮使

韓令坤上言泰州降癸巳荆南上言朗州節度使王進

達為部將潘叔嗣所殺

九國志王進達傳領衆逼宜春道出長沙耀兵金波亭有蜜蜂集

繼中占者以為不利遂留長沙令行營副使毛立領兵南下以潘叔嗣張文表為前鋒叔嗣起至澧陵擁衆而

還遠聞兵叛乃乘輕舸奔歸武陵叔嗣追殺之于朗州州城外

遣人詣潭州請周行

逢為帥行逢至朗州斬叔嗣于市三月丙申行光州刺

史何超奏光州僞命都監張承翰以城歸順尋授承翰集州刺史庚子文武百寮再上表請聽樂詔允之行舒

州刺史郭令圖奏收下舒州

隆平集王審琦傳世宗征淮舒州堅壁不下以郭令

圖為刺史命審琦司超將兵攻城一夕拔之令圖入復見逐于郡人審琦方進軍援黃州聞令圖被逐乃選騎銜枚襲城夜敗其衆而復納之江南國主李景表送先隔過朝廷兵士

一百五十人至行在其軍即蜀軍也秦鳳之役為王師所擒配隸諸軍及渡淮輒復南逸帝怒其奔竄盡戮之丙午江南國主李景遣其臣僞司空孫晟僞禮部尚書

王崇質等奉表來上仍進金一千兩銀十萬兩羅綺二千匹又進寶賞給將士茶絹金銀羅帛等庚戌兩浙奏遣大將率兵攻常州延州留後李彥頤奏蕃衆與部民為亂尋與兵司都監閻綰掩殺獲其酋帥高開兒等十人磔于市彥頤本賈人也貪而好利蕃漢之民怨其侵刻故至于是辛亥賜江南李景書曰頃自有唐失御天步方艱巢蔡喪辭之餘朱李戰爭之後中夏多故六紀于茲海縣瓜分英豪鼎峙自為聲教各擅蒸黎連衡而

交結四夷乘轡而憑陵上國華風不競否運所鍾凡百
有心孰不與憤朕猥承先訓恭荷永圖德不追于前王
道不方于往古然而擅一百州之富庶握三十一萬之
甲兵農戰交修士卒樂用思欲報累朝之宿怨刷萬姓
之包羞是以踐位已來懷安不暇破幽并之巨寇收秦
鳳之全封兵不告疲民有餘力一昨迴軍隴上問罪江
干我寔有辭咎將誰執朕親提金鼓尋渡淮淝上順天
心下符人欲前鋒所向彼衆無遺棄甲僵屍動盈川谷

收城徇地已過滁陽宣有落其瓜牙折其羽翼潰其心
腹扼其吭喉而不亡者哉蚤者泗州主將遞送到書一
函尋又使人鍾謨李德明至齊所上表及貢奉衣服腰
帶金銀器幣茶藥牛酒等今又使人孫晟等竝到行朝
觀其降身聽命引咎告寤所謂君子見機不俟終日苟
非達識孰能若斯但以奮武興戎所以討不服悖信明
義所以懷遠人五帝三王盛德大業恒用此道以正萬
邦朕今躬統戎師冀行討伐告于郊廟社稷詢于將相

公卿天誘其衷國無異論苟不能恢復內地申畫邊疆
便議班旋真同戲劇則何以光祖宗之烈厭士庶之心
匪獨違天兼且拂衆但以淮南部內已定六州廬壽濠
黃大軍悉集指朝剋日拉朽焚枯其餘數城非足屆意
必若盡淮甸之土地為大國之隄封猶是遠圖豈同迷
復如此則江南吏卒悉遣放還江北軍民竝當留住免
違物類之性俾安鄉土之情至于削去尊稱願輸臣禮
非無故事實有前規蕭詧奉周不失附庸之道孫權事

魏自同藩國之儀古也雖然今則不取但存常號何爽
歲寒儻堅事大之心終不迫人于險事資真慤辭匪枝
游侯都郡之悉來即大軍之立罷質于天地信若丹青
我無彼欺爾無我詐言盡于此更不繁云苟曰未然請
自茲絕竊以陽春在候庶務縈思願無廢于節宣更自
期于愛重音塵非遠風壤猶殊翹想所深勞于夢寐又
賜其將佐書曰朕自類禍出師麾旄問罪絕長淮而電
擊指建業以鷹揚旦夕之間克捷相繼至若兵興之所

自釁起之所來勝負之端倪戎甲之次第不勞盡論必
想具知近者金陵使人繼來行闕追悔前事委質大朝
非無謝咎之辭亦有罷軍之請但以南邦之土地本中
夏之封疆苟失克復之期大孤朝野之望已興是役固
不徒遷必若自淮以南畫江為界盡歸中國猶是遠圖
所云願為外臣乞比湖浙彼既服義朕豈忍人必當別
議封宗待以殊禮凡爾將佐各盡乃心善為家國之謀
勉擇恒久之利初李景遣鍾謨李德明奉表至行闕使

人面奏云本國主願割壽濠泗楚光海六州之地歸于
大朝帝志在盡取江北諸郡不允其請使人見王師急
攻壽陽李德明奏曰願陛下不寬臣數日之誅容臣自往
江南取本國表盡獻江北之地帝許之乃令李德明王
崇質齎此書以賜李景夏四月甲子以徐州節度使武
行德為濠州城下行營都部署以前鄧州節度使侯章
為壽州城下水砦都部署己巳車駕發壽春循淮而東
辛未揚州奏江南大破兩浙軍于常州初兩浙錢俶承

詔遣部將率兵收常州為江南大將陸孟俊所敗將佐
陷沒者甚衆李景亦以表聞乙亥駐蹕于濠州城下丁
丑揚州韓令坤破江南賊軍于州之東境獲大將陸孟
侯今上表大破江南軍于六合斬首五千級時李景乘
常州之捷遣陸孟俊領兵迫泰州王師不守韓令坤欲
棄揚州而迴帝怒急遣殿前都指揮使張永德帥親兵
往援之又命令上領步騎二千人屯于六合俄而陸孟
俊領其徒自海陵抵揚州令坤迎擊敗之生擒孟俊李

景遣其弟齊王達率大衆由瓜步濟江距六合一舍而設柵居數日乃棄柵來迫官軍今上麾兵以擊之賊軍大敗餘衆赴江溺死者不可勝紀已卯韓令坤奏敗楚州賊將馬在貴萬餘衆于灣頭堰獲漣州刺史秦進崇丙戌以宣徽南院使向訓為權淮南節度使充松江招討使以侍衛馬軍都指揮使韓令坤充松江副招討使宋史向拱傳揚州初平南唐令境上出師謀收復韓令坤有棄城之意即驛召拱赴行在拜淮南節度使依前宣徽使兼沿江招討使以令坤為副時周師久駐淮陽都将趙晁自延遇等驕恣橫暴不相束從惟務貪濫至

有劫人婦女者及拱至戮其不法者數輩軍中肅然

丁亥車駕發濠州幸渦口已

丑以前湖南節度使馬希崇為左羽林統軍五月壬辰

朔以渦口為鎮淮軍戍戍車駕還京發渦口

馬令南唐書天子駐

于渦口猶欲再幸揚州宰相范質以師老泣諫乃班師

乙卯上至自淮南詔赦都

下見禁罪人丁巳陳州節度使王令溫卒戊午以江南

偽命東都副留守工部侍郎馮延魯為大府卿己未太

子賓客于德辰卒辛酉詔天下公私織造布帛及諸色

匹段幅尺斤兩竝須依向來制度不得輕弱假偽犯者

擒捉送官六月甲子以鳳翔節度使王景為秦州節使
使兼西面沿邊都部署以宣徽南院使陳州節度向訓
為淮南節度使依前南院宣徽使加檢校太尉以曹州
節度使韓通為許節度使使加檢校太尉以亳州防禦
使王全斌為隴州防禦使遙領利州昭武軍兩使留後
丙寅許州王彥超鎮永興軍鄧州田景咸移鎮鄆州御
史中丞楊昭儉知雜侍御史趙礪侍御史張紉並停任
坐羈獄失實也丁卯以翰林學士戶部侍郎陶穀為兵

部侍郎充翰林學士承旨以水部員外郎知制誥扈載
度支員外郎王著竝本官充翰林學士以給事中高防
為右散騎常侍以前都官郎中知制誥薛居正為左諫
議大夫充昭文館學士判館事壬申曲赦淮南道諸州
見禁罪人自今年六月十一日已前凡有違犯無問輕
重竝不窮問先屬江南之時應有非理科徭無名配率
一切停罷云戊寅以右衛上將軍扈彥珂為太子太師
致仕庚辰以西京留守王晏為鳳翔節度使戊子升膽

國軍為潁州淮南道招討使李重進奏壽州賊軍攻南
砦王師不利先是詔步軍都指揮使李繼勲營于壽州
之南攻賊壘是日賊軍出城來攻我軍破柵而入其攻
城之具竝為賊所焚將士死者數百人李重進在東砦
亦不能救時城堅未下師老于外加之暑毒糧運不繼
李繼勲喪失之復軍無固志諸將議欲退軍賴今上自
六合領兵歸闕過其城下因為留旬日王師復振秋七
月辛卯朔以武清軍節度使知潭州軍府事周行逢為

朗州大都督充武平軍節度使加檢校太尉兼侍中丁酉以太子賓客盧價為禮部尚書致仕以給事中李明為大理卿庚子廬州營都部署劉重進奏破淮賊千餘人于州界丁未濠州行營都部署武行德奏敗淮賊二千人于州界庚戌太子太保王仁裕卒辛亥皇后符氏薨淮南節度使向訓自揚州班師迴駐壽春時王師攻壽春經年未下江淮盜賊充斥舒蘄和泰等州復為吳人所據故棄揚州併力于壽春焉

馬令南唐書向訓請棄揚州併力以攻壽

春乃封府庫付主者遣淮南舊將按巡城中秋
毫不犯而去淮人大悅皆負糗糧送送周師
八月壬

戌河陽白重贊移鎮涇州張澤移鎮河中甲子以前鄧
州節度使侯章復為鄧州節度使以侍衛步軍都指揮
使彭信軍節度使李繼勳為河陽節度使乙丑太僕卿
劉可久停任坐為舉官累也戊辰端明殿學士王朴撰
成新歷上之命曰顯德欽天歷上親為製序仍付司天
監行用殿前都指揮使張永德奏破淮賊于下蔡先是
江南李景以王師猶在壽州遣其將林仁肇郭廷謂率

水陸軍至下蔡欲奪浮梁以舟實薪芻乘風縱火永德
禦之有頃風勢倒指賊衆稍却因為官軍所敗己卯工
部侍郎王敏停任坐薦子婿陳南金為河陽記室也九
月丙午以端明殿學士左散騎常侍權知開封府事王
朴為尚書戶部侍郎充樞密副使以右羽林統軍焦繼
勲為左屯衛上將軍以左衛上將軍楊承信為右羽林
統軍以左監門上將軍宋延渥為右神武統軍冬十月
辛酉葬宣懿皇后于懿陵癸亥以右神武統軍宋延渥

為廬州行營副部署乙丑舒州刺史郭令圖責授虢州
教練使坐棄郡逃歸也丙寅詔曰諸司職員皆係奏補
當執役之際悉籍公勤及聽選之時尤資幹敏苟非慎
擇漸致因循應諸司寺監今後收補役人並須人材俊
利身言可採書札堪中自前行止委無訛濫勒本司關
送吏部引驗人材校筆札其中選者連所試書跡及
正身引過中書餘從前後格勅處分仍每年祇得一度
奏補丁卯宣懿皇后神主入廟時有司請為后立別廟

禮也已已詔彰河以北郡縣並許鹽貨通商逐處有鹹鹵之地一任人戶煎鍊壬申以武平軍節度使使知潭州軍府事宇文瓊為武清軍節度使知潭州軍府事癸酉淮南招討使李重進奏破淮賊于盛唐斬二千級太子賓客致仕薛仁謙卒丙子襄州節度使守太尉兼中書令陳王安審琦加守太師審琦鎮漢上十餘年至是來朝故以命寵之癸未右拾遺趙守微杖一百配沙門島守微本村民也形貌樸野粗學為文前年徒步上書

帝以急于取士授右拾遺聞者駭其事至是為妻父所

訟彰其醜行故逐之

東都事畧張昭傳云世宗好拔奇取俊有自布衣上書下位言事者

多不次進用昭諫曰昔唐初劉洎馬周起徒步太宗擢用為相其後朱朴柳爍在下僚昭宗亦以大用然則太宗用之于前而國興詔宗用于後而國亡士之難知也如此臣願陛下存舊法而用人以劉馬為鑒朱柳為戒則善矣甲申宣授今上同州節度使兼殿前都指揮使宣

授內外馬步軍都軍頭袁彥為曹州節度使兼侍衛步軍都指揮使戊子右神武統軍張彥超卒十一月己丑朔詔廢天下無名祠廟庚子日南至帝不受朝賀以宣

懿皇后遷祔日近也乙巳江西進奉使孫晟下獄死江南進奉使鍾謨責授耀州司馬戊申放華山隱者陳搏歸山帝素聞搏有道術徵之赴闕月餘放還舊隱庚戌殿前都指揮使張永德奏敗濠州送糧軍二千人于下蔡奪米船十餘艘宰臣李穀以風痺請告十旬三上表求解所任不允十二月己未朔以給事中張鑄為光祿卿鑄訴以官名與祖諱同尋改秘書監判光祿寺事辛酉以許州節度使韓通兼侍衛馬步軍都虞候壬戌以

右領軍大將軍權判三司張美領三司使壬申以滑州
節度使兼殿前都指揮使駙馬都尉張永德為殿前都
點檢發陳蔡宋亳潁曹單等州丁夫城下蔡卒已故襄
邑令劉居方贈右補闕男士衡賜學究出身獎廉吏也
癸亥詔兵部尚書張昭纂修太祖實錄及梁均王唐清
泰帝兩朝實錄五代會要云同修撰官安張昭定名奏
請至四年正月張昭奏請國子祭酒尹
拙太子詹事劉
叟同編編修又詔曰史館所少書籍宜令本館諸處
求訪補填如有收得書籍之家竝許進書人據部帙多

少等第各與恩澤如是卷帙少者量給資帛如館內已
有之書不在進納之限仍委中書門下于朝官內選差
三十人據見在書籍各求真本校勘署校官姓名逐月
具功課申報中書門下戊子淮南道招討使李重進奏
破淮賊二千人于塌山北

舊五代史卷一百十六

舊五代史卷一百十六攷證

周世宗紀三壬申今上破淮賊萬五千人于清流山
案六一居士集豐樂亭記太祖以周師破李景兵十
五萬于清流關下與是書作萬五千人異攷國志談
苑云太祖提周師甚寡當李景兵十五萬于清流山
下臨陣親斬驍將皇甫暉疑豐樂亭記即本于此第
皇甫暉以傷重被擒而談苑云臨陣親斬小說家多
傳會之詞恐不足信

舊五代史卷一百十六攷證

欽定四庫全書

舊五代史卷一百十七

宋門下侍郎參知政事監修國史薛居正等撰

周書第八

世宗四

顯德四年春正月己丑朔帝御崇元殿受朝賀仗衛如儀詔天下見禁罪人除大辟外一切釋放壬寅兵部尚書張昭上言奉詔編修太祖實錄及梁唐二主實錄

伏以撰漢書者先為項籍編蜀記者首序劉璋貴神器
之傳授有因歷數之推遷得序伏緣漢隱帝君臨在太
祖之前其歷試之績並在隱帝朝內請先修隱帝實錄
以全太祖之事竊又以唐末主之前有閔帝在位四月
出奔于衛亦未編紀請修閔帝實錄其清泰帝實錄請
書為廢帝實錄允之

案自唐末主以上原文疑有脫誤據五代會要云梁末主之上有郭

王友珪篡弒居位未有紀錄請依宋書劉劭例書為元凶友珪其末主請依古義書曰後梁實錄又唐末主之前有應順帝在位四月出奔亦未編紀請書為前廢帝清泰主為後廢帝其書並為實錄

丁未淮南

道招討使李重進奏破淮賊五千人于壽州北先是李
景遣其弟偽齊王達率全軍來援壽州達留駐濠州遣
其將許文績邊鎬朱元領兵數萬沂淮而上至紫金山
設十餘砦與城內烽火相應又築夾道數里將抵壽春
為運糧之路至是為重進所敗戊申詔取來月幸淮南
宋史李穀傳師老無功時請罷兵為便世宗令范質王
溥就穀謀之穀手疏請親征有必勝之利者三世宗大
悅用其策二月寅申以前工部侍郎王敏為司農卿辛酉詔

每遇入閣日賜百官廊下食從舊制也淮南道行營都

監向訓奏破淮賊二千于黃著砦甲戌以樞密副使王朴為權東京留守兼判開封府以三司使張美為大內都巡檢乙亥車駕發京師乙酉次下蔡三月唐寅旦帝率諸軍駐于紫金山下命今上率親軍登山擊賊連破數砦斬獲數千斷其來路賊軍首尾不相救是夜賊將朱元朱仁裕孫璘各舉砦來降降其眾萬餘人翌日盡陷諸砦殺獲甚眾擒賊大將建州節度使許文縝前湖南節度使遘鎬其餘黨沿流東奔帝自率親騎沿淮北

岸追賊及晡馳二百餘里至鎮淮軍殺獲數千人奪戰
艦糧船數百艘錢帛器仗不可勝數甲午詔發近縣丁
夫城鎮淮軍仍構浮梁于淮上廬州都部署劉重進奏
殺賊三千人于壽州東山口皆紫金山之潰兵也戊戌
授宣徽南院使淮南節度使向訓為徐州節度使充淮
南道行營都監即命屯鎮淮上己亥帝自鎮淮軍復幸
下蔡壬寅賜淮南降軍許文鎮邊鎬己下萬五百人衣
服錢帛有差丙午壽州劉仁贍上表乞降帝遣閤門使

張保續入城慰撫翌日仁贍復令子宗讓上表請罪戊申幸壽州城北劉仁贍與將佐已下及兵士萬餘人出降帝慰勞久之恩賜有差庚戌詔移壽州于下蔡以故壽州為壽春縣是日曲赦壽州管內見禁罪人自今月二十一日已前凡有過犯竝從釋放應歸順職員竝與加恩壽州管界去城五十里內放今年秋夏租稅自來百姓有曾受江南文字聚集山林者竝不問罪如有曾相傷害者今後不得更有相酬及經官論訴自用出已

求被擄却骨肉者不計遠近竝許本家識認官中給物
收贖曾經陣敵處所暴露骸骨竝仰收拾埋瘞自前政
令有不便于民者委本州條例聞奏當行釐革辛亥以
偽命清淮軍節度使檢校太尉兼侍中劉仁贍為特進
檢校太尉兼中書令鄆州節度使以右羽林軍楊信
為壽州節度使是日劉仁贍卒壬子以江南偽命西北
面行營都監使舒州團練使朱元為蔡州防禦使以江
南偽命文德殿使壽州監軍周延構為衛尉卿以江南

偽命壽州營田副使孫羽為太僕卿以壽州節度判官
鄭牧為鴻臚卿賞歸心也癸丑追奪前許州行軍司馬
韓倫在身官爵配流沙門島倫侍衛馬軍指揮使令坤
之父也令坤領陳州倫在州干預郡政掊歛之暴公私
患之為項城民武都等所訟帝命殿中侍御史率汀就
按之倫詐報汀云準詔赴闕汀即奏之帝愈怒遽令追
劾盡得其實故有是命

宋史韓令坤傳云倫法當棄市令坤泣請于世宗遂免死

左諫議大夫尹日就于壽州開倉賑飢民丙辰車駕發

下蔡還京夏四月己巳車駕至自下蔡辛未以江南偽
命西北面行營應援使前永安軍節度使檢校太尉許
文縝為左監門衛上將軍檢校太尉以偽命西北面行
營應援都軍使前武安軍節度使邊鎬為左千牛衛上
將軍檢校太傅丙子宰臣李穀以風痺經年上章請退

凡三上章不允

宋史李穀傳穀扶疾入見便殿詔令不
拜命坐御坐側以抱疾久請辭相位世

宗怡然勉之謂曰譬如家有四子一人有疾棄而不養
非父之道也朕君臨萬方卿處輔相之位君臣之間分
義斯在奈何以祿奉
為言穀愧謝而退丁丑斬內供奉官孫延希于都市

御厨使董延勛副使張皓武德副使盧繼昇竝停職時
重修永福殿命延希督役上見役夫有就瓦中噉飯以
柿為匕者大怒斬延希而罷延勛等壬午故彭城郡夫
人劉氏追冊為皇后癸未故皇子贈左驍衛大將軍誼
再贈太尉追封越王故皇子贈左武衛大將軍誠再贈
太傅追封吳王故皇子贈左屯衛大將軍誠再贈太保
追封韓王故皇弟贈太保侗再贈太傅追封郟王故皇
弟贈司空信再贈司徒追封杞王故皇第三妹樂安公

主追冊莒國長公主故皇第五妹永寧公主追冊梁國
長公主故皇從弟贈左領軍大將軍守愿再贈左衛大
將軍故皇從弟贈左監門將軍奉超再贈右衛大將軍
故皇從弟贈左千牛衛將軍慈再贈右武衛大將軍甲
申以先降到江南兵士團結為三十指揮號懷德軍五
月丁亥朔帝御崇元殿受朝仗衛如式己丑以修修永
福殿改為廣政殿辛卯以端午賜文武百僚衣服書始
也癸巳侍衛親軍都指揮使宋州節度使充淮南道行

營都招討李重進加檢校太傅兼侍中以宣徽南院使
淮南節度使向訓為徐州節度使加檢校太尉同平章
事丙申斬密州防禦副使侯希進于本郡時太常博士
張紉檢視本州夏苗移牒希進分檢希進以不奉朝旨
不從紉具事以聞帝怒遣使斬之丁酉以滑州節度使
兼殿前都點檢駙馬都尉張永德為潭州節度使加檢
校太尉以今上為滑州節度使加檢校太保依前殿前
殿前都指揮使今上以三年十月宣授同州節度使未

于正衙宣制至是移鎮滑臺故自永州防禦使授焉以
侍衛馬軍都指揮使洋州節度使韓令坤為陳州節度
使加檢校太傅以權侍衛步軍都指揮使岳州防禦使
袁彥為曹州節度使加檢校太保並典軍如故己亥以
左神武統軍劉重進為鄧州節度使以虎捷左廂都指
揮使閬州防禦使趙鼎為河陽節度使以兗州防禦使
白延遇為同州節度使辛丑宰臣范質李穀王溥並加
爵邑改功臣樞密使魏仁浦加檢校太傅進封開國公

辛亥知廬州行府事劉重劉重進奏殺敗賊獲戰船三十艘士子以宣徽北院使吳延祚為宣徽南院使權西京留守判河南府事是月詔中書門下差官詳定格律中書門下奏差侍御史知雜事張湜等一十人詳定候畢日委御史臺尚書省四品已上兩省五品已上官參詳可否送中書門下議定奏取進止從之六月丁巳前濠州刺史齊藏珍以罪棄市己未以責授耀州司馬鍾謨為衛尉少卿賜紫帝既誅孫晟尋竄謨為耀州既而

悔之故有是命辛酉西京奏伊陽山谷中有金屑民洩
取之詔勿禁乙酉詔在朝文資官再舉堪為令錄從事
者各一人秋七月丁亥以前徐州節度使檢校太師兼
中書令武行德為左衛上將軍先是詔行德分兵屯定
遠縣既為淮寇所襲王師死者數百人帝懲其僨軍之
咎故以環衛處之以前河陽節度使李繼勲為右衛大
將軍責壽春南砦之敗也壬辰以刑部尚書王易為太
子少保致仕以右監門衛上將軍蓋萬為左衛上將軍

致仕己酉司農卿王敏卒甲辰詔曰準令諸論田宅婚姻起十一月一日至三月三十日止者州縣爭論舊有釐革每至農月貴塞訟端近聞官吏因循由此成弊凡有訴競故作逗遛至時而不與盡辭入務而即便停罷強猾者因茲得計孤弱者無以自伸起今後應有人論訴陳詞狀至二月三十日權停若是交相侵奪情理妨害不可停滯者不拘此限八月乙卯朔兵部尚書張昭上疏望準唐朝故事置制舉以罩英才帝覽而善之因

命昭具制舉合行事件條奏以聞丙辰以太常卿田敏
為工部尚書以太子賓客司徒詡為太常卿辛未詔在
朝武班各舉武勇膽力堪為軍職者一人甲戌賜左監
門上將軍許文縝右千牛上將軍邊鎬右衛大將軍王
環衛尉卿周延構大府卿馮延魯太僕卿鄭牧鴻臚卿
孫羽衛尉少卿鍾謨工部郎中何幼沖各冬服絹二百
匹綿五百兩文縝已下皆吳蜀之士也乙亥宰臣李穀
罷相守司空加食邑實封穀抱疾周歲累上表求退至

是方允其請以樞密副使戶部侍郎王朴為樞密使檢校太保癸未前濮州刺史胡立自偽蜀迴蜀主孟昶寓書于帝其末云昶昔在齟齬即離并都亦承皇帝鳳起晉陽龍興汾水合叙鄉關之分以陳玉帛之歡儻蒙惠以嘉音佇望專馳信使謹因胡立行次聊陳感謝披述云初王師之伐秦鳳也以立為排陣使既而為蜀所擒及秦鳳平得降軍數千人其後帝念其懷土悉放歸蜀至是蜀人知感故歸立于我昶本生于太原故其書意

願與帝推鄉里之分帝怒其抗禮不答九月甲申朔宰
臣王溥樞密使王朴皆丁內艱竝起復舊位以侍衛馬
步軍都指揮使宋州節度使李重進為鄆州節度使典
軍如故己丑以前翰林學士禮部侍郎竇儀為端明殿
學士依前禮部侍郎冬十月丙辰賜京城內新修四寺
額以天清天壽顯靜顯寧為名壬戌左藏庫使符令光
棄市時帝再議南征先期勅令光廣造軍士袍襦不即
辦集帝怒命斬之時宰臣等至庭救解帝起入營遂戮

予都市令光出勲閥之後歷職內庭以請自守累總總
繁劇甚有廉幹之譽帝素重其為人每加委用至是以
小過見誅人皆寃之戊午詔懸制科凡三其一曰賢良
方正能直言極諫科其二曰經學優深可為師法科其
三曰詳閑吏理達于教化科不限前資見任職官黃依
草澤並許應詔時兵部尚書張昭條奏請興制舉故有
是命癸亥河東偽命麟州刺史楊重訓以城歸順授重
訓本州防禦使檢校太傅戊辰詔取月內車駕暫幸淮

上己巳以樞密使王朴為權東京留守以三司使張美
為大內都點檢壬辰駕發京師壬午以前鄆州節度使
郭從義為徐州節度使以徐州節度使向訓為宋州節
度使十一月癸未朔以內客省使昝居潤為宣徽北院
使權東京留守丙戌車駕至濠州城下戊子親破十八
里灘砦在濠州東北淮水之中四面阻水上令甲士數
百人跨駝以濟今上騎軍浮水而渡遂破其砦擒其戰
艦而迴癸巳帝親率諸軍攻濠州奪關城破水砦賊衆

大敗焚戰艦七十餘艘斬首二千級進軍攻羊馬城丙申夜偽濠州團練使郭廷謂上表陳情且言家在江南欲遣人稟命于李景從之辛丑帝自濠州率大軍水陸齊進循淮而下命今上率精騎為前鋒癸卯大破淮賊于渦口斬首五千級收降卒二千餘人奪戰船三百艘遂鼓行而東以追奔寇晝夜不息沿江城柵所至皆下乙巳至泗州今上乘麾軍焚郭門奪月城帝親冒矢石以攻其壘丙午日南至從臣拜賀于月城之上十二月

乙卯泗州守將范再遇以其城降授再遇宿州團練使
戊午帝自泗州率衆東下命令上領兵行于南岸與帝
夾淮而進己未至清口追及淮賊軍行鼓譟之聲聞數
十里辛酉至楚州西北大破賊衆水陸俱奔有賊船數
艘順流而逸帝率驍騎與今上追之數十里今上擒賊
大將偽保義軍節度使江北都應援使陳承昭以獻叔
獲舟船除焚盪外得三百餘艘將士除殺溺外得七千
餘人初帝之渡淮也比無水戰之備每遇賊之戰棹無

如之何敵人亦以此自恃有輕我之意帝即于京師大
集工徒修成樓艦踰歲得數百艘兼得江淮舟船遂令
所獲南軍教北人習水戰出沒之勢未幾舟師大脩至
是水陸皆捷故江南大震壬戌僞命濠州團練使郭廷
謂以城歸順乙丑雄武軍使崔萬迪以連水歸順丙寅
以郭廷謂亳州防禦使隆平集廷謂望金陵大慟再拜
然後以城降世宗曰江南諸將
惟卿斷渦口橋破定遠塞足以報李景祿矣濠上
使李景自守亦不能為乃授以亳州防禦使以僞
命濠州兵馬都監陳遷為沂州團練使以僞命保義軍

節度使陳承昭為右監門上將軍江南李景遣兵驅據揚州士庶渡江焚其州郭而去丙子故同州節度使白延遇贈太尉故濠州刺史唐景思贈武清軍節度使丁丑泰州平

舊五代史卷一百十七

舊五代史卷一百十七攷證

周世宗紀四是夜賊將朱元朱仁裕孫璘各舉砦來降
案通鑑云辛卯夜朱元與先鋒壕寨使朱仁裕等
舉寨萬餘人降據是書則朱元等之降即在庚寅與
通鑑異

壽州劉仁贍上表乞降 案通鑑攷異云仁贍降書蓋
其副使孫羽等為之歐陽史本傳亦言孫羽詐為仁
贍書以城降與是書所載俱異

壬午彭城郡夫人劉氏追冊為皇后 案歐陽史作癸

未追冊與是書異

壬申駕發京師 案壬申原本作壬辰考五代春秋作

十月壬辰帝南征與是書同歐陽史作壬申南征通

鑑作壬申帝發大梁與是書異据下文有壬午則十

月不應有壬辰疑原本係傳寫之誤今從歐陽史通

鑑改正

以內容省使咎居潤為宣徽北院使權東京留守 案

上文以王朴為權東京留守不應復以命昝居潤据
東都事畧昝居潤傳世宗幸淮上命為副留守疑原
本脫副字

壬戌偽命濠州團練郭廷謂以城歸順案郭廷謂以
城降歐陽史作庚申通鑑作辛酉與是書異

舊五代史卷一百十七攷證

欽定四庫全書

舊五代史卷一百十八

宋門下侍郎參知政事監修國史薛居正等撰

周書第九

世宗紀五

顯德五年春正月癸未朔帝在楚州城下從臣詣行宮

稱賀

隆平集馬仁瑀傳世宗征淮南登楚州永寒飛樓距城百步城卒詬罵左右射莫能及召仁瑀至應

斃

弦而

乙酉降同州為郡右驍衛將軍王環卒丙戌右龍

武將軍王漢璋奏攻海州戍子詔諸道幕職州縣官竝以三周年為考限閏月不在其內州府不得差攝官贊正官云己丑詔侍衛馬軍都指揮使韓令坤權知楊州軍府事庚寅發楚州管內丁壯開鸛河以通運路乙巳帝親攻楚州時今上在楚州城北晝夜不解甲胃親冒矢石麾兵以登城丙午拔之斬偽守將張彥卿等六軍

大掠城內軍民死者萬餘人廬舍焚之殆盡

陸游南唐書張彥卿

傳云保大末周世宗南侵彥卿為楚州防禦使周師銳甚旬日間海泰州靜海軍皆破元宗亦命焚東都官寺

民盧從其民渡江世宗親御旗鼓攻楚州自城以外皆
已下發州民濟老鸛可遣齊雲戰艦數百自淮入江勢
如震烈焰彥卿獨不為動及梯衝臨城鑿城為河窟室
實柴而焚之城皆摧圯遂陷彥卿猶結陣城內誓死奮
擊謂之巷鬪日暮轉至州廡長短兵皆盡彥卿猶取繩
床搏戰及兵馬都監鄭昭葉等十餘人皆死之無一人
生降者周兵死者亦甚衆世宗怒盡屠城中居民焚其
室廬然得彥卿子光祐不殺也又趙鼎臣竹隱畸士集
云當城中之危也彥卿方與諸將立城上因泣諫以周
唐強弱勢不足以相支又城危甚而外無一人援恐旦
夕徒死無益勸彥卿趣降彥卿領之因顧諸將指曰視
彼諸將方回顧彥卿則抽釵斷其子首擲諸地慷慨泣
謂諸將曰此彥卿子勸彥卿降周彥卿受李家厚恩誼
不降此城吾死所也諸軍欲降任降第勿勸我勸我者
同此子矣于是諸將
愕昭亦泣莫敢言降

二月甲寅偽命天長軍使易寶以

城歸順戊午車駕發楚州南巡丁卯駐蹕于廣陵詔發揚州部內丁夫萬餘入城揚州帝以揚州焚盪之後居民南渡遂于故城內就東南別築新壘戊辰遣使祭故淮南節度使楊行密故昇府節度使徐溫等墓癸酉辛揚子渡觀大江乙亥黃州刺史司超奏破淮賊三千人擒偽舒州刺史施仁望丙子隰州奏河東賊軍逃遁時劉鈞聞帝南征發兵圍隰州巡檢使李謙溥以州兵拒之而退

東都事畧楊玘璋傳隰州關守乃請監軍李謙溥至隰并人來圍其城或請速救之玘璋曰賊遽至

必未攻城乃募死士百餘人潛諭譚溥相應夜衝拔擊之并人大潰逐北數十里又李謙溥傳云隰州關守謙溥攝州事至則濬城隍嚴兵備未旬日而并人至方盛暑謙溥服絺綌揮羽扇引二小吏登城徐步并人望之勸兵不敢動

三月壬午朔幸泰州丁亥復幸廣陵辛卯幸迎

鑾江口遣右武衛大將軍李繼勲率舟師至島以觀寇

癸巳帝臨江望見賊船數十艘命今上帥戰棹以追之

賊軍退去今上直抵南岸焚其營柵而迴甲午以右武

衛大將軍李繼勲為左領軍上將軍乙未殿前都虞侯

慕容延釗奏大破賊軍于東沛州丙申江李景遣其臣

臣兵部侍郎陳覺奉表陳情兼貢羅縠紬絹三千匹乳
茶三千斤及香藥犀象等覺至行在觀樓船戰棹已泊
于江岸以為自天而降愕然大駭丁酉荆南高保融奏
本道舟師已至鄂州戎戍兩浙錢俶奏差發戰棹四百
艘水軍萬七千人已泊江岸請師期已亥今上率水軍
破賊船百餘隻于瓜步是日李景遣其臣劉承遇奉表
以盧舒蘄黃等四州來獻且請以江為界帝報曰皇帝
恭問江南國主使人至省奏請分割舒蘄黃等州畫

江為界者頃逢多事莫通玉帛之歡適自近年遂構干
戈之役兩地之交兵未息蒸民之受弊斯多一昨再辱
使人重尋前意將敦久要須盡縷陳今者承遇爰來封
函復至請割州郡仍定封疆猥形信誓之辭備認始終
之意既能如是又復何求邊陲頓靜于煙塵師旅便還
于京闕永言欣慰深切誠懷其常潤一路及沿江兵棹
今已指揮抽退兼兩浙荆南湖南水陸兵士各令罷兵
其廬黃蘄三路將士亦遣抽接近內候彼中起揭逐處

將員及軍都家口丁畢抵請差人勾喚在彼將校割州城云淮南平凡得州十四縣六十戶二十二萬六千五百七十四先是李景以江南危蹙謀欲傳位于世子使附庸于我故遣陳覺上表陳叙至是帝以既許其通好乃降書以答之曰別觀來章備形縟旨叙此日傳讓之意述向來高尚之懷仍以數歲已還交兵不息備論追悔之事無非尅責之辭雖古人有引咎責躬因災致懼亦無以過此也况君血氣方剛春秋甚富為一方之英

主得百姓之歡心卽今南北才通疆場甫定是玉帛交
馳之始乃干戈載戢之初豈可高謝君臨輕辭世務與
其慕希夷之道曷若行康濟之心重念天災流行分野
常事前代賢哲所不能逃苟盛德之日新則景福之彌
遠勉修政理勿倦經論保高義于初終垂遠圖于家國
流芳貽慶不亦美乎庚子詔曰比者以近年貢舉頗是
因循頻詔有司精加試練所冀去畱無濫優劣昭然昨
據貢院奏今年新及第進士等所試文字或有否臧爰

命辭臣再今考覆庶涇渭之不雜免玉石之相參其劉
坦戰貽慶李頌徐緯張覲等詩賦稍優宜放及第王汾
據其文辭亦未精當念以頃曾剝落將與成名熊若谷
陳保衡皆是遠人深可嗟念亦放及第郭峻趙保雍楊
丹安玄度張昉董成則杜思道等未甚苦辛竝從退黜
更宜修進以俟將來知貢舉右諫議大夫劉濤選士不
當有失用心責授右贊善大夫俾令省過以戒當官先
是濤于東京放榜後引新及第進士劉坦已下一十五

人赴行在帝命翰林學士李昉覆試故有是命壬寅復
幸揚州改廬州軍額為保信軍甲辰以右龍武統軍趙
贊為廬州節度使以殿前都虞候慕容延釗為淮南節
度使兼殿前副指揮使遣鹽城監使申屠諤齋書及御
馬一十匹金銀銜全散馬四十匹羊千口賜江南李景
諤先為王師所俘故遣之丙午江南李景遣所署宰相
馮延巳獻犒軍銀十萬兩絹十萬匹錢十萬貫茶五十
萬斤米麥二十萬石庚戌詔故淮南節度使楊行密故

昇府節度使徐溫各給守冢戶應江南臣寮有先代墳墓在江北者委所在長吏差人檢校辛亥李景遣所署臨汝郡公徐遼進買宴錢二百萬并遣伶官五十人與遼俱來獻壽觴夏四月癸丑宴從臣及江南進奉使馮延巳等于行宮徐遼代李景捧壽觴以獻進金酒器御衣犀帶金銀錦綺鞍馬等乙卯車駕發揚州還京丙辰太常博士權知宿州軍州事趙礪除名坐推劾弛慢也先是翰林醫官馬道玄進狀訐壽州界被賊殺却男獲

正賦見在宿州本州不為勘斷帝大怒遣端明殿學士
竇儀乘駟往按之及獄成坐族死者二十四人儀奉辭
之日帝旨甚峻故儀之用刑傷于深刻戊午以前延州
畱後李彥頤為滄州畱後庚申新太廟成遷五廟神主
入于其室壬申至自淮南癸酉命宣徽北院使胥居潤
判開封府事甲戌澶州節度使張永德準詔赴北邊以
契丹犯境故也丁丑兩浙奏四月十九日杭州火廬舍
府署焚燒殆盡五月辛巳朔上御崇元殿受朝伏衛如

式詔侍衛諸軍及諸道將士各賜等第優給應行營將士歿于王事者各與贈官親的子孫並量才錄用傷夷殘廢者別賜救接淮南諸州及徐宿宋亳陳潁許蔡等州所欠去年秋夏稅物並與除放云丙戌命端明殿學士竇儀判河南府兼知西畱守事辛卯以襄州節度使安審琦為青州節度使以許州節度使韓通為宋州節度使依前兼侍衛馬步都虞侯以宋州節度使向訓為襄州節度使以今上為忠武軍節度使依前殿前都指

揮使淮南之役今上之功居最是命之降雖云酬勲止于移鎮而已賞典太輕物議不以為允癸巳以左武衛

上將軍武行德為鄜州節度使以右神武統軍宋延渥

為滑州節度使

小畜集宋延渥神道碑云五月授義成軍節度使其制畧曰長驅下潁之師若

涉無人之境除凶戡難爾既立夫殊庸礪岳盟河予豈忌于豐報南燕舊邦北闕伊邇河壖作翰遙臨白馬之志穰下統戎即鎮卧龍之地以前同州留後王暉為相州留後乙未

立東京羅城諸門名額東二門曰寅賓延春南三門曰朱明景風畏景西二門曰迎秋肅政北三門曰玄德長

景愛景辛丑幸懷信驛已詔在朝文資官各再舉堪
為幕職令錄一人戊申以襄州節度使向訓兼西南面
水陸發運招討使已酉以太府卿馮延魯充江南國信
使以衛尉少卿鍾謨為副賜李景御衣玉帶錦綺羅縠
帛共十萬匹金器千兩銀器萬兩御馬五匹金玉鞍轡
金散馬百匹羊三百匹賜江南世子李弘冀器幣鞍馬
等別賜李景書曰皇帝恭問江南國主煮海之利在彼
海濱屬疆壤之初分慮供食之有闕江左諸軍素號繁

饒然川澤之間舊無斥鹵之地曾承素旨常在所懷願
願均收積之餘以助軍旅之用已下三司逐年支撥供
軍食鹽三十萬石又賜李景今年歷日一軸六月庚午
命中書舍人竇儼參定雅樂辛未放先俘獲江南兵士
四千七百人歸本國壬申有司奏御膳料上批曰朕之
常膳今後減半餘人依舊癸酉禘于太廟乙亥兵部尚
書張昭等撰太祖實祿三十卷成上之賜器帛有差丁
丑以中書舍人張正為工部侍郎充江北諸州水陸轉

運使成寅詔諫議大夫宜依舊為正五品上仍班在給事中之下秋七月癸未以右散騎常侍高防為戶部侍郎以左驍衛上將軍李洪信為右龍武統軍以左領軍上將軍李繼勲為右羽林統軍以工部尚書田敏為太子少保以刑部侍郎裴巽為尚書左丞以左武衛上將軍薛懷讓為太子太師以右羽林大將軍李萼為右千牛衛上將軍自敏已下皆致仕丙戌中書門下新進冊定大周刊統奉刺班行天下丁亥賜諸道節度使刺史

均田圖各一面唐同州刺史元稹在郡日奏均戶民租

賦帝因覽其文集而善之乃寫其辭為圖以賜藩郡時

帝將均定天下賦稅故先以此圖徧賜之

五代會要載原詔云朕以

寰宇雖安蒸民未泰當以夜觀書之際較前賢阜俗之方近覽元稹長慶集見在同州時所上均田表較當時之利病曲盡其情俾一境之生靈咸受其賜傳于方冊可得披尋因令製素成圖直書其事庶王公觀覽觸目驚心利國便民無亂條制背經合道盡繁變通但要適宜所冀濟務翳乃勛舊共庇黎元今賜元稹所奏均田圖一面至

可領也

閏月壬子廢衍州為定平縣廢武州為潘原

縣壬戌河決河陰縣溺死者四十二人辛丑辛新授青

州節度使安審琦第癸酉邢州留後陳思讓奏破河東賊軍千餘人于西山下斬首五百級八月庚辰延州奏澧溪水漲壞州城溺死者百餘人已丑太子太師致仕宋彥筠卒辛丑江南李景上表乞降詔書不允九月丁巳以大府卿馮延魯為刑部侍郎以衛尉少卿鍾謨為給事中竝放歸江南時延魯鍾謨自江南復命李景復奏欲傳位于其世子弘冀帝亦以書答之甲子賜江南羊萬口馬三百匹橐駝三十頭賜兩浙錢俶羊五千口

馬二百匹橐駝二十頭己丑賜宰臣樞密使及近臣宴

于玉津園己巳占城國王釋利因德漫遣使貢方物壬

子天清節羣臣詣廣德殿上壽江南進奉使商崇義代

李景捧壽觴以獻

宋類苑云湯悅父殷舉唐末有才名本名崇義建隆初避宜祖諱改姓湯

初在吳為舍人受詔撰揚州孝先寺碑世宗親往駐驛

此寺讀其文賞歎及畫江議定後主遣悅入貢世宗為

之加禮自淮上用兵凡書詔多悅之作特為典贍切于

事情世宗每覽江南文字形于嗟嘆當時沈過馬士元

等皆不稱職復用陶穀李防于

冬十月己卯以戶部侍

舍人其後用扈載率由此也

郎高防為西南面水陸轉運使將用師于巴邛故也

宋史

高防傳世宗謀伐蜀以防為西南面水陸轉運制置使屢發芻糧赴鳳州為征討之備 丙戌邠州

李暉移鎮鳳翔戊子幸迎春苑己丑太常卿司徒詡以

本官致仕壬辰帝狩于近郊癸巳前相州節度使王饒

卒甲午左監門上將軍許文禎右千牛上將軍邊鎬衛

尉卿周延構竝歸江南乙未詔淮南諸州鄉軍竝放歸

農丁酉遣左散騎常侍艾穎等均定河南六十州稅賦

五代會要載賜諸道均田詔曰朕以干戈既弭寰海漸寧言念地征罕臻藝極須竝行均定所冀永適重輕卿受任方隅深窮治本必須副寡昧平分之意察鄉閭治弊之原明示條章用分寄任均令集事允屬推公令差

使臣往彼檢括餘從別勅

十一月丁未朔詔翰林學士竇儼集文學

之士撰集大周通禮大周正樂從儼之奏也辛亥日南至帝御崇元殿受朝賀仗衛如式己未昭義李筠奏破遼州長清砦獲偽命磁州刺史李再興甲子帝狩于近郊十二月丁丑朔朗州奏醴陵縣三仙觀山中舊有田二萬頃久為山石閉塞今年七月十七日夜暴雷劈開其路復通己卯楚州兵馬都監武懷恩棄市坐擅殺降軍四人也丙戌詔重定諸道州府幕職令錄佐官料

錢其州縣官俸戶宜停己丑楚州防禦使張順賜死坐在任隱落權稅錢五十萬官絲綿二千兩也壬辰詔兩京及五府少尹司參軍各省一員六曹判司內祇直戶法二曹餘及諸州觀察支使兩番判官並省甲子帝狩于近郊己未鄧州劉重進移鎮邠州滑州宋延渥移鎮鄧州以前河中節度使王仁鎬為邢州節度使以邢州留後陳思讓為滑州留後己亥詔翰林學士今後逐日起居當直者仍赴晚朝是月江南李景殺其臣偽太傅

中書令宋齊丘偽兵部侍郎陳覺偽鎮南軍節度副使
李徵古等初帝之南征也吳人大懼覺與徵古皆齊丘
門人因進說于景請委國事于齊丘景繇是銜之及吳
人遣鍾謨李德明奉表至行在帝尋遣德明復命于金
陵德明因說李景請割江北之地求和于我而陳覺李
徵古等以德明為賣國請戮之景遂殺德明及江南內
附帝放鍾謨南歸謨本德明之黨也因譖齊丘等故齊
丘等得罪放齊丘歸九華山覺等貶官尋竝害之景既

誅齊丘等令鍾謨到闕具言其事故書

舊五代史卷一百十八

舊五代史卷一百十八攷證

周世宗紀五丙戌右龍武將軍王漢璋奏攻海州 案

通鑑作丁亥王漢璋奏克海州歐陽史亦作丁亥取
海州是書祇載丙戌攻海州而不載取城之日疑有
闕文

丙午拔之 案歐陽史通鑑俱作丁未克楚州與是書
異五代春秋從是書作丙午

天長軍使易贇 易贇通鑑作易文贇

乙未殿前都虞候慕容延釗奏大破賊軍于東沛州

案通鑑作甲午延釗奏大破唐兵于東沛州與是書

異日

舊五代史卷一百十八攷證

欽定四庫全書

舊五代史卷一百十九

宋門下侍郎參知政事監修國史薛居正等撰

周書第十

世宗紀六

顯德六年春正月丁未朔帝御崇元殿受朝賀伏衛如
式壬子高麗國王王昭遣使貢方物己卯以翰林學士
中書舍人申文炳為左散騎常侍辛酉女真國遣使貢

獻壬戌青州奏節度使陳王安審琦為部曲所殺乙丑
賜諸將射於內鞠場戊辰幸迎春苑甲戌詔每年新及
第進士及諸科聞喜宴宜令宣徽院指揮排比乙亥詔
禮部貢院今後及第舉人依逐科等第定人數姓名並
所試文字奏聞候勅下放榜云是月樞密使王朴詳定
雅樂十二律旋相為宮之法並造律準上之詔上書省
集百官詳議亦以為可語在樂志二月庚辰發徐宿宋
單等州丁夫數萬濬汴河甲申發滑亳二州丁夫濬五

丈河東流于定陶入于濟以通青鄆水運之路又疏導
蔡河以通陳潁水運之路乙酉詔諸道應差攝官各支
半俸丙戌以翰林學士承旨尚書兵部侍郎陶穀為尚
書吏部侍郎充職詔升湖州為節鎮以宣德軍為軍額
以湖州刺史錢僊為本州節度使從兩浙錢俶之請也
辛丑幸迎春苑甲辰右補闕王德成責授右贊善大夫
坐舉官不當也詔賜諸道州府供用糧草有差三月庚
申樞密使王朴卒甲子詔以北境未復取此月內幸滄

州以宣徽南苑使吳延祚為權東京留守判開封府事
以宣徽北苑使胥居潤為副使以三司使張美為大內

都部署

東都事畧張美傳世宗北征以美為大內都檢點

命諸將各領馬步諸

軍及戰棹赴滄州己巳濠州奏鍾離縣飢民死者五百

九十有四癸酉詔廢諸州銅魚

五代會要顯德六年勅諸道收守每遇除移特

降制書何假符契其請納銅魚宜廢之

甲戌車駕發京師夏四月辛卯車

駕次滄州以前左諫議大夫薛居正為刑部侍郎是日

帝率諸軍北征壬辰至乾寧軍偽寧州刺史王洪以城

降丁酉駕御龍舟率舟師順流而北首尾數十里辛丑

至益津關

通鑑至益津關郭丹守將終廷暉以城降

自此以西水路漸隘舟

師難進乃捨舟登陸壬寅宿於野次時帝先期而至大

軍未集隨駕之士不及一旅賴今上率材官騎士以衛

乘輿癸卯今上先至瓦橋關偽守將姚內斌以城降

平隆

集姚內斌平州人也世宗北征將兵至瓦橋關內斌為關使開門請降世宗以為汝州刺史

甲辰鄭

州刺史劉楚信以州來降五月乙巳朔帝駐蹕於瓦橋

關侍衛親軍都指揮使李重進及諸將相繼至行在瀛

州刺史高彥暉以本城歸順關南平凡得州三縣十七戶一萬八千三百六十是役也王師數萬不亡一矢邊界城邑皆望風而下丙午帝與諸將議攻幽州諸將皆以為未可帝不聽是夜帝不豫乃止戊申定州節度使孫行友奏攻下易州擒偽命刺史李在欽來獻斬於軍市乙酉以瓦橋關為雄州

宋史陳思讓傳得瓦橋關為雄州思讓為都部署率兵署

守以益津關為霸州

宋史韓令坤傳為霸州都部署率所部兵戍之

是日先鋒

都指揮使張藏英破契丹數百騎於瓦橋關北攻下固

安縣詔發濱棣二州丁夫城霸州庚戌遣侍衛都指揮
使李重進率兵出土門入河東城界壬子車駕發雄州
還京泉州節度使劉從効遣別駕王禹錫奉貢於行在
帝以泉州比臣江南李景方歸奉國家不欲奪其所屬
但錫詔褒美而已丁卯西京奏太常卿致仕司徒諤卒
己巳侍衛都指揮使李重進奏破河東賊軍於百井斬
首二千級甲戌上至自雄州

却掃編周世宗既定三關遇疾而退至澶淵遲留不

行雖宰輔近臣問疾者皆冀得見中外恟懼時張永德為澶州節度使承德尚周太祖之女以親故獨得至臥

內于是羣臣因永德言曰天下未定根本空虛四方諸
侯惟幸京師之有變今漚汴相去甚邇不速歸以安人
情顧憚旦夕之勞而遲回於此如有不可講奈京廟何
永德然之承問為世宗言如羣臣旨世宗問誰使汝為
此言永德對以羣臣之意皆願為此世宗熟思久之嘆
曰吾固知汝必為人所教獨不喻吾意哉然觀汝之窮
薄惡足當此即
日趣駕歸京師

六月乙亥朔潞州李筠奏攻下遼州獲
偽刺史張丕旦丙子以皇女薨輟朝三日戊寅鳳翔奏
節度史李暉卒鄭州奏河決原武詔宣徽南院使吳延
祚發近縣丁夫二萬人以塞之庚辰命宣徽北院使咎
居潤判開封府事晉州節度使楊廷璋奏率兵入河東

界招降堡岩一十三所癸未立魏王符彥卿女為皇后
仍令所司擇日備禮冊命以王長子宗訓為特進左衛
上將軍封梁王以第二子宗讓為左驍衛上將軍封燕
國公賜江南進奉使李從善錢二萬貫絹二萬匹銀一
萬兩賜兩浙進奉使吳延福錢三千貫絹五千匹銀器
三千兩丁亥以前青州節度使李洪義為永興軍節度
使永興軍節度使王彥超移鎮鳳翔戊子潞州部送所
獲遼州刺史張丕旦等二百四十五人以獻詔釋之已

丑宰臣范質王溥並參知樞密院事以樞密使魏仁溥
為中書侍郎平章事集賢殿大學士依前充樞密使以
宣徽南院使吳延祚為樞密使行左驍衛上將軍以宋
州節度使侍衛都虞候韓通為侍衛親軍副都指揮使
加檢校太尉同平章事澶州節度使兼殿前都檢點駙
馬都尉張永德落軍職加檢校太尉同平章事以今上
為殿前都點檢加檢校太傅依前忠武軍節度使帝之
北征也凡供軍之物皆令自京遞送行在一日忽於地

中得一木長二三尺如人之揭物者其上卦全題云點
檢做觀者莫測何物也至是今上始受點檢之命明年
春果自此職以副人望則點檢作之言乃神符也辛卯
以宣徽北院使判開封事眷居潤為左領軍上將軍充
宣徽南院使以三司使左領衛大將軍張美為左監門
衛上將軍充宣徽北院使判三司

東都事畧張美傳美
少為三司小吏澶州

糧料使世宗銷澶州每有求取美悉力應之及即位連
歲征討糧餽無乏美之力也然每思澶州所為終不以

公忠
待之癸巳帝崩於萬歲殿聖壽三十九甲午宣遺制梁

王於柩前即皇帝位服紀月日一依舊制是日羣臣奉
梁王即位於殿東楹中外發哀其年八月翰林學士判
太常寺事實儼上諡曰睿武孝文皇帝廟號世宗十一

月壬寅朔葬於慶陵宰臣魏仁浦撰諡冊文王浦撰哀

冊文云

五代史補世宗在民間嘗與鄴中大商頗跌氏
忘其名往江陵販賣茶貨至江陵見有卜者王

處士其術如神世宗因頗跌氏同往問焉方布卦忽有
一著躍出卓然而立卜者大驚曰吾家筮法卜餘世矣

常記曾祖以來遺言凡卜筮而著自躍而出者其人貴
不可言況又卓立不倒得非為天下之主乎遽起再拜
世宗雖佯為詰責而私心甚喜於逆旅中夜置酒與頗
跌氏率酣戲曰王處士以我當為天子若一旦到此足

下要何官請言之相跌氏曰某三十年作估來未有不
由京洛者每見稅官坐而獲利一日所入可以敵商賈
數月私心羨之若大官為天子某願得京洛稅官足矣
世宗笑曰何望之卑耶及承郭氏之後踐祚顛跌猶在
名見竟如初言以與之世宗之征東也駐蹕於高平
劉崇亦報丹之衆來迎戰時帥多持兩端而王師不利
親軍帥樊愛能等各退血世宗赫起躍馬入陣引五十
人直衝崇之牙帳崇方張樂飲酒以示閒暇及其奄至
莫不驚駭失次世宗因以奮擊遂敗之追奔於城下凱
旋駐蹕潞州且欲出其不意以誅退血者乃置酒高會
指樊愛能等數人責之曰汝輩皆累朝宿將非不能用
兵者也然退血者無他誠欲將寡人作物貨賣與劉崇
爾不然何寡人親戰而劉崇始敗耶如此則卿等雖萬
死不足以謝天下宜其曲膝引頸以待斧誅言訖命行
刑壯士擣出皆斬之於是立功之士以次行賞自行伍
拔於軍廂者甚衆其恩威並著皆此類也和劉崇求援

於契丹得騎數千及親世宗兵少楊之曰吾觀周師易
與耳契丹之衆宜忽用但以我兵攻戰自當萬全如此
則不惟破敵亦足使契丹見而心服一舉而有兩利兵
之機也諸將以為然乃使人謂契丹主將曰柴氏與吾
主客之勢不煩足下餘及敢請勒兵登高觀之可也契
丹不知其謀從之洎世宗之陣也三軍皆賈勇爭進無
不一當百契丹望而畏之故不戰而索敗論者曰世宗
患諸將之難制也久矣思欲誅之未有其釁高平之役
可謂天假故皆斬決而無貸焉自是姑息之政不行朝
廷始尊大自非英主其孰能為之哉世宗既下江北
駐蹕於建安以書召僞主主惶恐命鍾謨李德明為使
以見世宗德明素有詞辯以利害說世宗使罷兵世宗
且知之乃盛陳兵師排旗幟戈戟為門頃道以秦御然
後引德明等入見世宗謂之曰汝江南自以為唐之後
衣冠禮樂世無比何故與寡人隔一帶水更不發一使
奉書相問惟泛海以通契丹舍華事夷禮將安在今又

聞汝以詞說寡人罷兵是將寡人比六國時一羣痴漢
何不知人之甚也汝慎勿言當速歸報汝主令徑來跪
寡人兩拜則無事矣不然則寡人須看金陵城借府庫
以犒軍汝等得無悔乎于是德明等戰懼不能措一辭
即日告歸及見偽主具陳世宗英烈之狀恐非四方所
能敵偽主計無所出遂上來服罪且乞保江南之地以
奉宗廟修職首其詞甚哀世宗許之因曰叛則征服則
懷寡人之心也于是遣使者齎書安之然張凱還諡者
以世宗加兵於江南不獨臨之以威抑亦諭之以禮可
謂得大君之體矣陳搏陝西人能為詩數舉不第慨
然有塵外之趣隱居華山自是其名大振世宗之在位
也以四方未服思欲牢籠英傑且以搏曾踐塲屋不得
志而隱必有奇才遠器於是召到闕下拜左拾遺搏不
就堅乞歸山世宗許之未幾賜之書勅陳搏朕以汝高
謝人寰極心物外眷太浩自然之氣應少微處士之星
既不屈於王侯遂甘隱于岩壑樂我中和之化慶乎下

武之期而能遠涉山涂暫來城關決旬廷遇弘益居多
白雲暫駐于帝鄉好爵難廉於達士昔堯唐之至聖有
巢許為外臣朕雖寡薄庶遵前鑒恐山中所闕已今華
州刺史每事供須乍反故山履茲春序緬懷高尚當適
所宜故茲撫問想宜知悉即陶穀之詞也初搏之見召
嘗為詩一章云草澤吾皇詔圖南搏姓陳三峯十年容
四海一閒人世態從來薄詩情自得貞趙然居物外何
必使為臣好事者欣然謂之答詔詩世宗以張昭達
好古直甚重之因問曰朕欲一賢相卿試為言朝廷誰
可昭達對曰以臣所見莫若李濤世宗嘗薄濤之為人
聞昭達之舉甚驚曰李濤本非重厚朕以為無大臣體
卿首舉此何也昭達曰陛下所聞止名行曾不聞材畧
如何耳且濤事晉高祖曾上疏論邠州節度使張彥澤
蓄無君心宜早圖之不然則為國患晉祖不納其後郭
丹南侵彥澤果有中渡之變晉社臧焉先帝潛龍時亦
上疏請解其兵權以備非常之變少主不納未幾先帝

遂有天下以國家安危未兆間濟已先見非賢而何臣
所首舉之者正為此也世宗曰今卿言甚公然此人終
不可於中書安置居無何濟亦卒濟為人不苟禮法與
弟幹雖甚雍睦然聚語之際不與之言往往間作幹娶
禮部尚書竇寧國之女年甲稍高成婚之夕竇氏出參
濟輒望塵下拜幹驚曰大哥風狂耶新婦參阿伯宜有
答禮儀濟應曰我不且只將謂是親家母幹且慙且怒
既生竇氏復拜濟又叉手當胸作敬後語曰慙無竇建
緣作梁山嵒嵒時聞者莫不絕倒凡濟于閭門之內
不存禮法也如此世宗以為無大臣體不復任用宜哉
世宗志在四方常恐運祚遠而功業不就以王朴精
究術數一旦從容問之曰朕當得幾年對曰陛下用心
以蒼生為念天高聽卑自當蒙福臣固陋輒以所學推
之三十年後非所知也世宗喜曰若如卿言寡人當以
十年開拓天下十年養百姓十年致太平足矣其後自
元橋開回戈未到關而晏駕計在位止及五年餘六箇

月五六乃三十之歲數也蓋朴婉而言之世宗末年
大舉以取幽州郭丹聞其親征君臣恐懼沿邊城壘皆
望風而下凡舊部之在幽州者亦連宵遁去車駕至无
橋關探邏是實甚喜以為大勲必集登高車因以觀六
師頃之有父老百餘輩持牛酒以獻世宗問曰此地何
名對曰厓世相傳謂之病龍臺默然遽上馬馳去是夜
聖體不豫翌日病亟有詔回戈未到關而晏駕先是世
宗之在民間已常夢神人以大傘見遺色如鬱金加道
經一卷其後遂有天下及无橋不豫之際復夢向之神
人來索傘與經夢中還之而驚起謂近侍曰吾夢不祥
豈非天命將去耶遂詔大臣戒以後事初幽州聞車駕
將至父老或有竊議曰此不足憂且天子姓柴幽州為
燕燕者亦烟火之謂也此柴入火
不利之兆安得成功卒如其言

史臣曰世宗頃在側微尤務韜晦及天命有屬嗣守鴻

業不日破高平之陣逾年復秦鳳之封江北燕南取之
如拾芥神武雄畧乃一代之英主也加以留心政事朝
夕不倦摘伏辯姦多得其理臣下有過必面折之常言
太祖養成二王之惡以致君臣之義不保其終故帝駕
馭豪傑失則明言之功則厚賞之文武參用莫不服其
明而懷其恩也所以仙去之日遠近號慕然稟性傷於
太察用刑失於大峻及事行之後亦多自追悔逮至末
年漸用寬典知用兵之頻併憫黎民之勞苦盖有意於

康濟矣而降年不永美志不就悲夫

舊五代史卷一百十九

舊五代史卷一百十九考證

周世宗紀六甲辰鄭州刺史劉楚信以州來降 案鄭
州之降通鑑從是書作四月遼史作五月疑誤

壬子車駕發雄州還京 案遼史作五月辛未周師退
與是書異通鑑從是書作壬子

長子宗訓 案恭帝宗訓通鑑注作第四子歐陽史漢
家人傳世宗子七人長曰宜哥次二皆未名次曰恭
皇帝是亦以宗訓為第四子也是紀作王長子蓋宜

哥與其二皆為漢誅指其現存者而言耳

第二子宗讓 宗讓歐陽史作宗誼

獲偽刺史張丕旦 張丕旦通鑑作張丕

以宣徽南院使吳延祚為樞密使行左驍衛上將軍

案歐陽使三月吳延祚為左驍衛上將軍樞密使與

是書異通鑑從是書作六月

癸巳帝崩於萬歲殿 案歐陽史作滋德殿與是書異

五代會要五代春秋俱作萬歲殿與是書同

舊五代史卷一百十九考證

欽定四庫全書

舊五代史卷一百二十

宋門下侍郎參知政事監修國史薛居正等撰

周書第十一

恭帝紀

恭帝諱宗訓世宗子也廣順三年歲在癸丑八月四日生於澶州之府第顯德六年六月癸未制授特進左衛上將軍封梁王食邑三千戶實封五百戶癸巳世宗崩

甲午內出遺制命帝柩前即皇帝位是日羣臣奉帝即位而退丁酉北面兵馬都部署韓令坤奏敗契丹五百騎於霸州北戊戌文武百寮宰臣范質等上表請聽政表三上允之壬寅文武臣寮上表請以八月四日為天壽節從之癸卯以司徒平章事范質為山陵使以翰林學士判太常寺事實儼為禮儀使以兵部尚書張昭為鹵簿使以御史中丞邊歸謹為儀仗使以宣徽南院使判開封事胥居潤為橋道頓遞使是月州郡十六奏大

雨連旬不止秋七月丁未以戶部尚書李濤為山陵副使以度支郎中盧億為山陵判官辛亥左散騎常侍申文炳卒乙卯右拾遺徐雄奪三任官坐誣奏雷澤縣令虛破戶也丁巳百寮釋服尚輦奉御金彥英本東夷人也奉使高麗稱臣于夷王故及于罪庚申以邢州節度使王彥鎬為襄州節度使進封開國公以侍衛步軍都指揮使曹州節度使檢校太保袁彥為陝州節度使加檢校太傅以右羽林統軍權知邢州事檢校太保李繼

勲為邢州節度使加檢校太傅以滑州留後檢校太保
陳思讓為滄州節度使以侍衛馬軍都指揮使陳州節
鎮度使檢校太傅韓令坤為侍衛馬步都虞候依前陳
州節度使加檢校太尉以虎捷左廂都指揮使岳州防
禦使檢校司徒高懷德為夔州節度使充侍衛馬軍都
指揮使檢校太保以虎捷左廂都指揮使常州防禦使檢
校司空張鐸為遂州節度使充侍衛步軍都指揮使檢
校太保仍改名令鐸

宋史張令鐸傳云本名鐸以與
河中張鐸同姓名故賜今名

士

成以鄆州節度使充侍衛馬步軍都指揮使檢校太傅
兼侍中李重進為淮南節度使檢校太尉兼侍中依前
侍衛馬步軍都指揮使以襄州節度使檢校太尉同平
章事向拱為河南尹充西京留守加檢校太師兼侍中

通鑑向拱即向訓
也避恭帝名改焉

以宋州節度使充侍衛馬步軍副都

指揮使檢校太尉同平章事韓通為鄆州節度使依前
侍衛親軍馬步軍副都指揮使以澶州節度使檢校太
尉同平章事駙馬都尉張永德為許州節度使進封開

國公以今上為宋州節度使依前檢校太尉殿前都點
檢進封開國侯以淮南節度使兼殿前副都點檢檢校
太保慕容延釗為澶州節度使檢校太傅依前殿前副
都點檢進封開國伯以殿前都指揮使江州防禦使檢
校司空石守信為滑州節度使檢校太保依前殿前都
指揮使丙寅制大赦天下庚午翰林學士判太常寺竇
儼撰進大行皇帝太室歌酌獻辭舞曰定功之舞歌辭
不錄是月諸道相繼奏大雨所在川渠漲溢漂溺廬舍

損害苗稼八月甲戌朔以光祿卿致仕柴守禮為太子
太保致仕乙亥翰林學士兼判太常寺竇儼撰進大行
皇帝尊諡曰睿武孝文皇帝廟號世宗從之庚辰天下
兵馬都元帥守尚書令兼中書令吳越國王錢俶加食
邑一千戶竇封四百戶改賜功臣天雄軍節度使檢校
太師守太傅兼中書令魏王符彥卿加守太尉夏州節
度使檢校太師守太保兼中書令西平王李彝興加守
太傅荆南節度使檢校太師守中書令南平王高保融

加守太保壬午山陵使范質撰進大行皇帝陵名曰慶陵從之秦州節度使西面沿邊都部署檢校太師守中書令褒國公王景進封涼國公徐州節度使檢校太師兼中書令郭從義加開府儀同三師鄜州節度使檢校太師兼中書令邢國公武行德進封宋國公永興軍節度使檢校太師兼侍中李洪義加開府儀同三司鳳翔節度使檢校太尉兼侍中郭崇加檢校太師潞州節度使檢校太傅兼侍中李筠加檢校太尉朗州節度使檢

校太尉兼侍中周行逢加檢校太師甲申壽州節度使
檢校太師同平章事韓國公楊信封魯國公邠州節度
使檢校太師劉重進廬州節度使檢校太尉宋延渥並
加開府儀同三司涇州節度使趙贊鄧州節度使檢校

太尉白重贊河中節度使檢校太尉張鐸並
加階爵丙戌易定節度使孫行友靈州節度使馮繼業
府州節度使折德扆並自檢校太保加檢校太傅進階
爵以延州留後檢校太傅李萬全為延州節度使進封

開國公庾寅皇弟特進檢校太保左饒衛上將軍燕國
公食邑三千戶宗讓加檢校太傅進封曹王改名熙讓
熙謹可光祿大夫檢校太保右武衛大將軍封紀王食
邑三千戶熙誨可金紫光祿大夫檢校司徒左領衛大
將軍封蘄王食邑三千戶仍令所司擇日備禮冊命以
晉國長公主張氏為晉國大長公主以前陝州節度使
檢校太尉藥元福為曹州節度使進階爵甲午守司徒
同平章事弘文館大學士參知樞密院事范質加開府

儀同三司進封蕭國公門下侍郎兼禮部尚書同平章
事監修國史參知樞密院事王溥加右僕射進封開國
公權樞密使中書侍郎同平章事集賢殿大學士魏仁
浦加兼刑部尚書依前樞密使檢校太傅右驍衛上將軍
吳延祚依前樞密使進封慶國公以左武衛上將軍史
侁為左金吾上將軍致仕乙未以隴州防禦使王全斌
為相州留後戊戌宣徽南院使判開封府事督居潤宣
徽北院使判三司張美並加檢校太傅己亥前司空李

穀加開府儀同三司趙國公以前太傅少卿朱渭為太僕卿致仕辛丑左金吾上將軍致仕史侁卒壬寅高麗國遣使朝貢兼進別序孝經一卷越王孝經新義八卷

皇靈孝經一卷孝經雌圖三卷

文昌雜錄云別序者記孔子所生及弟子從學

之事新義者以越王為問目釋疏文之義皇靈者史之延常避文之事及符文乃道書也雌圖者止說日之環

暈星之書旁

亦非奇書 九月壬子前滄州留後李彥郡卒乙卯高

麗王王昭加檢校太師食邑三千戶丙辰以三司副使王贊為內客省使兼北面諸州水陸轉運使癸亥前開

封縣令路延規除名流沙門島先是延規有過停任有司召延規宣勅延規拒命為憲司所按故有是命甲子以端明殿學士禮部侍郎竇儀為兵部侍郎充職以尚書戶部員外郎直樞密院杜華為司門郎中充樞密直學士賜紫以翰林學書士尚度支員外郎王著為金部郎中知制誥充職仍賜金紫是日翰林學士尚書屯田郎中知制誥李昉都官郎中知制誥扈蒙水部郎中知制誥趙逢並加柱國賜金紫乙丑兵部尚書張昭進封

舒國公戶部尚書李濤進封莒國公以太子詹事劉溫
叟為工部侍郎判國子祭酒事是月京師及諸州郡霖
雨踰旬所在水潦為患川渠泛溢冬十月癸酉朔以司
農卿致仕李錯為太僕卿致仕太常少卿致仕姚遂為
將作監致仕丁亥太子太師薛懷讓封杞國公壬辰翰
林學士判太常寺事竇儼撰進貞惠皇后廟歌辭丁酉
世宗皇帝靈駕發引戊戌以前相州留後王暉為右神
武統軍辛丑江南國主李景來告世子弘冀卒遣御厨

使張延範充弔祭使十一月壬寅朔葬世宗皇帝於慶陵以貞惠皇后劉氏祔焉戊申西京奏太子太師致仕白文珂卒丙辰日南至百寮奉表稱賀戊午廢兗州廣利軍依舊為萊蕪監壬戌升鳳州固鎮為雄勝軍丙寅左羽林統軍馬希崇宋源本有脫誤十二月壬申朔史館奏請差官修撰世宗實錄從之甲戌改萬歲殿為紫宸殿甲午西京奏左屯衛上將軍致仕李萼卒乙未大霖晝昏凡四日而止分命使臣賑給諸州遭水人戶

顯德七年春正月辛丑朔文武百寮進名奉賀鎮定二
州馳奏契丹入寇河東賊軍自土門東下與蕃寇合勢
詔今上率兵北征癸卯發京師是夕宿於陳橋驛未曙
軍變將士大譟呼萬歲擐甲將刃推戴今上陞大位扶
策升馬擁迫南行是日詔曰天生蒸民樹之司牧二帝
推公而禪位三王乘時以革命其極一也予末小子遭
家不造人心已去國命有歸咨爾歸德軍節度使前都
點檢趙崇原本
空二字稟上聖之姿有神武之畧佐我高祖格

于皇天逮事世宗功存納麓東征西怨厥績懋焉天地
鬼神享于有德謳謠獄訟附于至仁應天順民法堯禪
舜如釋重負予其作賓嗚呼欽哉祇畏天命今上于是
詣崇元殿受命百官朝賀而退制封周帝為鄭王以奉

周祀正朔服色一如舊制奉皇太后為周太后

續通鑑
長編建

隆三年周鄭王
出居於房州

皇朝開寶六年春崩于房陵今上聞之

震慟發哀成服于便殿百寮進名奉慰尋遣中使監護

其喪

續通鑑長編開寶六年三月乙卯房州上
言周鄭王殂上素服發哀報視朝十日

以其年

十月歸葬於世宗慶陵之側詔有司定諡曰恭皇帝陵

曰順陵

續通鑑長編仁宗嘉祐四年詔有司取柴氏譜系于諸房中推最長一人令歲時奉周祀

史臣曰夫四序之氣寒往則暑來五行之數金銷則火
盛故堯舜之捐讓漢魏之傳禪皆知其數而順乎人也
况恭帝當統緒之冲年會塗鑪之變響聽謳歌之所屬
知命應之有在能遜其位不亦善乎終諡為恭故其宜
矣

舊五代史卷一百二十

舊五代史卷一百二十考證

周恭帝紀恭帝諱宗訓世宗子也 案五代會要云世宗後宮所生歐陽史作不知其母為誰氏今附識於此

孝經雌圖三卷 三卷歐陽史作一卷

舊五代史卷一百二十考證

欽定四庫全書

史部

舊五代史卷一百二十一至七

詳校官編修臣黃壽齡

洗馬臣王坦修覆勘

總校官編修臣朱鈐

校對官編修臣王天祿

謄錄監生臣陶紹侃

欽定四庫全書

舊五代史卷一百二十一

宗門下侍郎參知政事隨修國史薛居正等撰

周書第十三

后妃列傳一

太祖聖穆皇后柴氏邢州龍岡人世家豪右太祖微時

在洛陽聞后賢淑遂聘之

東都事畧張永德周太祖柴后本唐莊宗之嬪御也莊宗

沒明宗還歸其家村至河上柴母遇之會大風雨止於
逆旅數日有一丈夫走過其門衣弊不自庇后見之驚

曰此何人耶逆旅主人曰此馬步軍使郭雀兒者也后異其人欲嫁之請於父母恚曰汝帝左右人歸當嫁節度使奈何欲嫁此人后曰此貴人也不可失也囊中裝分半與父母我取其半父母知不可奪遂成婚於逆旅中所謂郭雀兒即周太祖也

太祖壯年喜飲博好任俠不拘細行后規其大過每有內助之力焉世宗皇帝卽后之姪也幼而謹愿后甚憐之故太祖養之為已子太祖嘗寢后見五色小蛇入顴鼻間心異之知其必貴敬奉愈厚未及貴而厭代太祖卽位乃下制曰義之深無先於作配禮之重莫大於追崇朕當宁載思撫存懷舊河洲令德猶

傳苻菜之詩媯汭大名不及珩璜之貴俾盛副筭之禮
以伸求劍之情故夫人柴氏代籍貽芳湘靈集慶體柔
儀而陳闕翟芬若椒蘭持貞操以選中當譽光圖史懿
範尚留於閨閫昌言有助於箴規深惟望氣之艱彌歎
藏舟之速將開寶祚俄謝璧台宜正號於軒宮俾潛耀
於坤象可追命為皇后仍令所司定諡備禮冊命既而
有司上諡曰聖穆顯德初太祖神主入廟以后祔於其
室

淑妃楊氏鎮州真定人父弘裕真定少伊

東都事畧楊廷璋傳父弘

裕少漁招棗陵有以二石雁授之者其翼一拊左一拊右曰吾北岳使也言訖不知所之是年生女為周太祖

淑妃明年生廷璋

當河朔三鎮全盛時所屬封疆制之於守帥

故韶顏美媛皆被選於王宮妃幼以良家子中選事趙

王王鎔張文禮之亂妃流離於外唐明宗在藩錄其遺

逸安重誨保庇妃家致其仕進父母即以妃嫁於鄉人

石光輔不數年發居太祖佐漢之初屬聖穆皇后棄世

聞妃之賢遂以禮聘之

宋史楊廷璋傳有姊寡居京師周祖微時欲聘之姊不從令媒

氏傳言恐逼姊以告廷璋廷璋往見周祖歸
姊曰此人恣貌異常不可拒姊乃從嫁之 妃睦族撫

孤宜家內助甚有力焉晉天福末卒於太原因留葬於
晉郊廣順元年九月追冊為淑妃太祖凡一后三妃及
高陵就掩皆議陪祔時以妃喪在賊境未及遷定世宗
乃詔有司於高陵之側預營一冢以虛之俟賊平即議
襄事顯德元年夏世宗征河東果成素志為妃兄廷璋
蚤事太祖即位累歷內職出為晉州節度使皇朝撫運
移鎮邢州又改鄴州受代歸闕卒於私第

貴妃張氏恒州真定人也祖記成德軍節度判官檢校
兵部尚書父同芝本州諮呈官檢校工部尚書事趙王
王鎔歷職中要天佑末趙將張文禮殺王鎔以鎮州歸
梁莊宗命將符存審討平之時妃年尚幼有幽州伊將
武從諫者駐旆於家見妃韶令乃為其子聘之武氏家
在太原太祖從漢鎮祖并門屬楊夫人以疾終無何武
氏子卒太祖素聞妃之賢遂內為繼室太祖貴累封至
吳國夫人漢隱帝末蕭牆變起屠害大臣太祖在鄴都

被讒妃與諸皇屬同日遇害於東京舊第太祖踐阼追冊為貴妃發哀故世宗有起復之命世宗嗣位以太祖舊宅即妃遇禍之地因施為僧院以皇建為名焉

德妃董氏常山靈壽人也祖文廣唐深州錄事參軍父光嗣趙州昭慶尉妃孩提穎悟始能言聽按絲管而能辨其聲年七歲遇鎮州亂親黨羈離與妃相失潞州牙將得之匿於家中其妻以息女不育得妃憐之過於所生母教師箴功容克備妃家悲念其兄瑀諸處求訪垂

六七年後潞將入官於朝妃之鄉親頗有知者瑀見潞將欣歸之時年十三妃歸踰年嫁為里人劉進超之妻進超為內職及契丹破晉之歲陷蕃歿焉妃嫠居洛陽太祖楊淑妃與妃鄉親平居恒言妃賢德太祖從漢祖幸洛因憶淑妃之言尋以禮納之鼎命初建張貴妃遇禍中宮虛位乃冊為德妃太祖自聖穆皇后蚤世以來屢失邦媛中幃內助唯妃存焉加以結珮脫簪率由令範廣順三年夏遇疾醫藥之際屬太祖充海之徵車駕

將行妃奏曰正當暑毒勞陛下省巡明發宵徵須人供侍司簿已下典事者各已處分從行太祖曰妃疾未平數令診視此行在近無繁內人及太祖駐蹕魯中妃志欲令內人進發中使往來言之太祖手勅鄭仁誨曰切慮德妃以朕至兗州行營津置內人承侍緣諸軍在野不可自安令鄭仁誨專心體候如德妃津置內人東來便須上聞約往或取索鞍馬不得供應如意堅確即下手勅示之既而平定兗州車駕還京妃疾無減俄卒於

大內時年三十九輟朝三日妃長兄瑀以左贊善大夫致仕仲兄玄之季兄自明皆累厯郡守

世宗貞惠皇后劉氏將家女也幼歸於世宗漢乾祐中世宗在西班后始封彭城縣君世宗隨太祖在鄴后留居邸第漢末李業等作亂后與貴妃張氏及諸皇族同日遇禍國初追封彭城郡夫人顯德四年夏四月追冊為皇后謚曰貞惠陵曰惠陵

宣懿皇后符氏祖存審事後唐武皇莊宗位極將相追

封秦王父彥鄉天雄軍節度使封魏王后初適李守貞之子崇訓漢乾祐中守貞叛於河中太祖以兵攻之及城陷崇訓自刃其弟妹次將及后后時匿於屏處以帷箔自蔽崇訓倉皇求后不及遂自刎后因獲免太祖入河中令人訪而得之即遣女使送於其父自是后常感太祖大惠拜太祖為養父世宗鎮澶淵日太祖為世宗聘之后性和惠善候世宗之旨世宗或暴怒於下后必從容救解世宗甚重之及即位冊為皇后世宗將南征

后常諫止之言甚切直世宗亦為之動容泊車駕駐於

淮甸久冒炎暑后因憂恚成疾顯德二年七月二十一

日崩於滋德殿時年二十有六世宗甚悼之既而有司

上謚曰宣懿葬於新鄭陵曰懿陵

案世宗有兩符后其後符后即宣懿之女

弟也入宋稱符太后是書不為立傳未免闕畧五代

史補世宗皇后符氏即魏王彥卿之女時有相工視之

大驚密告魏王曰此女貴不可言李守貞素有異志因

與子崇訓娶之禮畢守貞甚有喜色其後據河中叛高

祖為樞密使受命出征后知高祖與其父有舊城破之

際據堂門而坐叱諸軍曰我符魏王女也魏王與樞密

大尉兄弟之不若汝等慎勿無禮於是諸軍徠然引退

頃之高祖至喜曰此女於此紛拏之際保全可謂非常

人也乃歸之魏王至世宗即位納為皇后既免河中之難其母欲使出家資其福壽后不悅曰死生有命誰能駭首跣足以求苟活也母度不可逼遂止世宗素以后賢又聞命不以出家為念愈賢之所以為天下母也

史臣曰周室后妃凡六人而追冊者四故中闡內則罕

得而聞唯董妃符后之懿範亦無媿于彤管矣

葉薛史無外戚

傳考五代會要云周太祖第三女樂安公主為漢室所害廣順元年二月追封至顯德四年四月又追封莒國長公主第四女壽安公主降張永德廣順元年四月追封至顯德元年又追封晉國長公主第五女永寧公主廣順元年九月追封至顯德四年四月又追封梁國長公主

舊五代史卷一百二十一

舊五代史卷一百二十一攷證

周后妃列傳一太祖聖穆皇后柴氏傳邢州龍岡人

案龍川別志作魏成安人

淑妃楊氏傳妃兄廷璋案東都事畧廷璋係淑妃之弟續通鑑長編亦云廷璋有姊為周太祖妃俱與是書異

舊五代史卷一百二十一 攷證